

Bosna i Hercegovina
Federacija Bosne i Hercegovine
Tuzlanski kanton
VLADA

Na osnovu člana 4. Odluke o utvrđivanju kriterija, uslova i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih, broj: 02/1-14-5063/08 od 12.09.2008 godine), Vlada Tuzlanskog kantona raspisuje:

JAVNI POZIV
za raspodjelu sredstava sa potrošačke jedinice 11020024-
subvencioniranje kamata za stambeno zbrinjavanje mladih

I

Raspisuje se javni poziv za raspodjelu sredstava sa potrošačke jedinice 11010024 - subvencioniranje kamata za stambeno zbrinjavanje mladih za 2008.godinu u ukupnom iznosu do 50.000,00 KM.

II

OPĆI USLOVI ZA PODNOSIOCA ZAHTJEVA

Opći uslovi koje podnosilac zahtjeva za dodjelu sredstava treba ispuniti su

(1) **Starosna dob do navršениh 35 godina života u godini u kojoj se podnosi zahtjev.**

Dokaz: izvod iz matične knjige rođenih ili ovjerena kopija CIPS-ove lične karte.

(2) **Da podnosilac zahtjeva, bračni drug ili drugi član njegovog porodičnog domaćinstva nisu nosioci stanarskog prava, vlasnici stana ili porodične kuće na teritoriji Bosne i Hercegovine do dana zaključenja ugovora o kreditu za stambeno zbrinjavanje zaključenog nakon 30.06.2006.godine.**

Dokaz: ovjerena izjava podnosioca zahtjeva i bračnog druga ukoliko je riječ o zajedničkom apliciranju.

(3) **Da posjeduje ugovor o kreditu za stambeno zbrinjavanje sa bankom na iznos do 100.000 KM, zaključen nakon 30. 06. 2006. godine**

Dokaz : Ugovor o kreditu

(4) **Da je državljanin Bosne i Hercegovine.**

Dokaz: Uvjerenje o državljanstvu

(5) **Mjesto prebivališta na području Tuzlanskog kantona.**

Dokaz: Potvrda o prijavi prebivališta iz CIPS-registra.

Članovima porodičnog domaćinstva smatraju se bračni drug, djeca rođena u braku i van braka i usvojenik.

III

POSEBNI USLOVI I KRITERIJI ZA ODREĐIVANJE BROJA BODOVA

Red prvenstva za subvencioniranje kamata za stambeno rješavanje, utvrđuje se na osnovu rang-liste, odnosno ukupnog broja bodova po kriterijima, kako slijedi:

1. Stepен stručne spreme:

doktor nauka..... 25 bodova

magistar..... 20 bodova

VSS.....	15 bodova
VŠS.....	10 bodova
V stepen.....	7 bodova
SSS.....	5 bodova

Dokaz: ovjerena kopija odgovarajuće diplome, svjedodžbe ili uvjerenja.

2. Priznati uspjesi u naučnom radu, nastupi u oblasti kulture i izložbe, sportski i profesionalni uspjesi, te renomirana svjetska i druga javna priznanja za rezultate rada, i to:

2.1. Dobitnik svjetskih renomiranih priznanja i nagrada u oblasti nauke, tehnike, kulture, umjetnosti i informisanja, uključujući i priznanja umjetničke kritike ili osvajač medalja na svjetskim prvenstvima ili olimpijadama u sportu..... 20 bodova

2.1.1. Osvajač zlatne medalje..... 5 bodova

Na broj bodova iz tačke 2.1. dodaje se broj bodova iz podtačke 2.1.1.

2.2. Doprinos kroz patente dokazane ili certificirane od strane ovlaštenih institucija i doprinos u nauci, tehnici, i tehnologiji kroz inovacije dokazane ili certificirane od ovlaštenih institucija..... 20 bodova

2.3. Dobitnik evropskih renomiranih priznanja i nagrada u oblasti, nauke, kulture, umjetnosti i informisanja, uključujući i priznanja umjetničke kritike ili osvajač medalja na evropskim prvenstvima u sportu..... 15 bodova

2.3.1. Osvajač zlatne medalje..... 2 boda

Na broj bodova iz tačke 2.3. dodaje se broj bodova iz podtačke 2.3.1.

2.4. Dobitnik renomiranih priznanja u državnim ili regionalnim okvirima u oblasti nauke, tehnike, kulture i umjetnosti, uključujući i priznanja umjetničke kritike ili osvajač medalja na državnim i regionalnim prvenstvima u sportu..... 10 bodova

2.4.1. Osvajač prvog mjesta..... 1 bod

Na broj bodova iz tačke 2.4. dodaje se broj bodova iz podtačke 2.4.1.

2.5. Objavljen udžbenik, odobren od nadležnih institucija za upotrebu u obrazovnim ustanovama

2.5.1. samostalno..... 5 bodova

2.5.2. koautorstvo..... 2 boda

Maksimalan broj bodova po tački 2.5. iznosi 10 bodova.

Maksimalan broj bodova po kriteriju „Priznati uspjesi u naučnom radu, nastupi u oblasti kulture i izložbe, sportski i profesionalni uspjesi, te renomirana svjetska i druga javna priznanja za rezultate rada“ iznosi 25 bodova.

Kao dokaz o ispunjavanju posebnih uslova iz člana 8. tačke 1. i tačke 2. ove Odluke, podnosilac zahtjeva dostavlja ispravu, odnosno mišljenje nadležne institucije iz pojedinih oblasti (Rektorat odgovarajućeg univerziteta, Akademija nauka i umjetnosti Bosne i Hercegovine, Sportski savez Bosne i Hercegovine i sl.)

3. Po osnovu učešća u oružanim snagama RBiH:

vrijeme provedeno u odbrambeno-oslobodilačkom/domovinskom ratu od 18.09.1991. do 23.12.1995. godine..... 10 bodova

za svaku godinu učešća u Oružanim snagama RBiH..... 2 boda
za svaku nepunu godinu učešća u Oružanim snagama RBiH..... 1 bod

Dokaz: uvjerenje izdato od strane nadležnog organa.

4. Nosioci ratnog priznanja:

nosilac ratnog priznanja, u smislu člana 2. Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj:

70/05)..... 10 bodova

Dokaz: rješenje izdato od strane nadležnog organa.

5. Stepen invalidnosti:

za invalide od 20%-30% invaliditeta..... 2 boda

za invalide od 30%-40% invaliditeta..... 3 boda

za invalide od 40%-50% invaliditeta..... 4 boda

za invalide od 60% invaliditeta..... 5 bodova

Za svakih narednih 10% invaliditeta više dodaje se..... 5 bodova

Dokaz: rješenje izdato od strane nadležnog organa.

6. Po osnovu broja članova porodičnog domaćinstva:

Za svakog člana porodičnog domaćinstva, računajući podnosioca zahtjeva..... 3 boda

Dokaz: ovjerena izjava o zajedničkom domaćinstvu (kućna lista).

7. Zajedničko apliciranje bračnih drugova:

Bračni drugovi apliciraju zajedno jednom aplikacijom uz izjavu o saglasnosti ko će od njih biti nosilac zahtjeva.

Broju bodova koje dobije nosilac zahtjeva dodaje se jedna trećina bodova koje dobije bračni drug nosioca zahtjeva.

Nosilac zahtjeva za bračnog druga dostavlja propisanu dokumentaciju o ispunjavanju općih i posebnih uslova.

IV

Dodjela sredstava vršit će se podnosiocima zahtjeva po utvrđenoj rang listi do visine raspoloživih sredstava, planiranih u Budžetu Tuzlanskog kantona za tekuću godinu.

Pojedinačan iznos sredstava na ime subvencioniranja kamata, odobrvat će se u visini obračunate kamate po ugovoru o kreditu, s tim da ne može preći iznos od 5.000,00 KM.

U slučaju jednakog broja bodova prednost na rang-listi se daje podnosiocu zahtjeva koji je dobio veći broj bodova prema redoslijedu kriterija iz tačke III Javnog poziva.

V

Zahtjev za subvencioniranje kamata podnosi se Savjetu za nevladin sektor i pitanje mladih Vlade Tuzlanskog kantona u daljem tekstu: Savjet.

Uz zahtjev se prilažu isprave i dokazi o ispunjavanju općih i posebnih uslova, odnosno kriterija.

Uredne dokaze o ispunjavanju općih i posebnih uslova ponosilac zahtjeva dostavlja u originalu ili ovjerene fotokopije dokumenata koji nisu stariji od tri (3) mjeseca.

Savjet po prijemu zahtjeva, provjerava ispunjenost općih uslova na osnovu dostavljene dokumentacije i isprava priloženih uz zahtjev.

Zahtjev podnosioca koji ne ispunjava opće uslove, Savjet odbacuje kao neuređan.

Savjet vrši bodovanje podnosioca zahtjeva koji ispunjava uslove u skladu sa tačkom III Javnog poziva i sačinjava prijedlog Rang liste kandidata koju dostavlja Komisiji za administrativna pitanja Vlade Tuzlanskog kantona.

Komisija za administrativna pitanja sačinjava prijedlog Programa raspodjele sredstava i dostavlja Vladi na donošenje.

Vlada će doznačiti novčana sredstva na ime subvencioniranja kamata banci sa kojom fizičko lice ima ugovor o kreditu za rješavanje stambenih potreba, a koje ispunjava uslove iz Odluke o utvrđivanju kriterija, uslova i postupka za raspodjelu sredstava sa potrošačke jedinice 11010024 – subvencioniranje kamata za stambeno zbrinjavanje mladih.

VI

Javni poziv se objavljuje u dnevnim novinama, RTV TK i na zvaničnoj Web stranici Vlade Tuzlanskog kantona, www.vladatk.kim.ba.

Prijave na javni poziv za raspodjelu sredstava se dostavljaju u roku od 15 dana od dana posljednjeg objavljivanja u dnevnim novinama.

Prijave na javni poziv sa potrebnom dokumentacijom slati putem pošte na adresu:

Vlada Tuzlanskog kantona

„Za Savjet za nevladin sektor i pitanja mladih Vlade Tuzlanskog kantona“

Ul. Slatina br. 2 Tuzla ili putem pisarnice Vlade Kantona na istoj adresi.

